



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-450-3/24**
Datum: **06.01.2025. godine**

«Agencija za vodno područje rijeke Save» Sarajevo rješavajući zahtjev podnesen od strane pravnog lica GPD „DRINA“ d.d. Goražde za donošenje Rješenja o vodnoj saglasnosti za vađenje materijala iz vodotoka rijeke Drine u cilju obezbjeđenja proticajnog profila na lokalitetu između mostova „Alije Izetbegovića“ i mosta „Žrtava genocida u Srebrenici“, na osnovu člana 139. stav (1) tačka 6. Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99 i 61/22) donosi

ZAKLJUČAK

Odbacuje se zahtjev podnesen od strane pravnog lica GPD „DRINA“ d.d. Goražde, za donošenje Rješenja o vodnoj saglasnosti za vađenje materijala iz vodotoka rijeke Drine u cilju obezbjeđenja proticajnog profila na lokalitetu između mostova „Alije Izetbegovića“ i mosta „Žrtava genocida u Srebrenici“, zbog nepostupanja po obavještenju broj: UP-1/21-2-40-450-2/24 od 04.09.2024. godine, odnosno zbog nepotpunosti dokumentacije i smatra se da nije ni podnesen.

Obrazloženje

Pravno lice GPD „DRINA“ d.d. Goražde podnijelo je zahtjev ovoj Agenciji za donošenje rješenja o vodnoj saglasnosti za vađenje materijala iz vodotoka rijeke Drine u cilju obezbjeđenja proticajnog profila na lokalitetu između mostova „Alije Izetbegovića“ i mosta „Žrtava genocida u Srebrenici“.

Uz zahtjev je dostavljena slijedeća dokumentacija:

- Ovjerena kopija rješenja o upisu u sudski registar;
- Ovjerena kopija uvjerenja o poreznoj registraciji od 05.07.2007. izdata od Kantonalne porezne uprave Goražde;
- Obavještenje o razvrstavanju pravnog lica prema klasifikaciji djelatnosti broj 07-32.5-50856/13 od 01.02.2013. godine;
- Ovjerena kopija uvjerenja o registraciji obveznika poreza na dodatnu vrijednost broj 04/5-1/IV-17-1-5684-7735/05 od 25.11.2005. godine;
- Punomoć;
- Kopija Rješenja o prethodnoj vodnoj saglasnosti broj: UP-1/21-1-40-345-3/24 od 24.07.2024. godine;
- Ovjerena kopija Ugovora zaključenog između AVP „Sava“ i pravnog lica GPD „Drina“ d.d. Goražde broj 30-274-25/24 dana 08.08.2024. godine;
- Bankovna garancija za uredno izvršenje Ugovora broj 7374;
- Saglasnost za vađenje materijala iz korita rijeke Drine izdatog od strane Udruženja sportskih ribolovaca „Goražde“, Broj: 49-5-37/24 od 23.08.2024. godine;
- Potpisane i ovjerene izjave GPD „Drina“ d.d. Goražde, broj 08-01-267/24 od 15.08.2024. godine i 08-01-268/18 od 15.08.2024. godine, o riješenim imovinsko-pravnim odnosima na trasi pristunog puta i lokaciji predviđenoj za deponovanje izvađenog materijala;
- Elabarat „Vađenje bujičnog riječnog nanosa iz korita rijeke Drine na lokalitetu u blizini mosta „Žrtava genocida u Srebrenici“, Grad Goražde“, urađen od strane „SENDO“ d.o.o. Sarajevo, novembar 2024. godine;
- Dokaz o uplati za upravnu pristojbu u iznosu od 60,00 KM.

Uvidom u dostavljenu dokumentaciju utvrđeno je da ovaj organ nije mogao postupiti po podnesenom zahtjevu, obzirom da je isti imao nedostatke koji su sprječavali postupanje organa, odnosno nije ispunjavao uvjete i kriterije propisane podzakonskim propisom iz člana 120. stav (2) Zakona o vodama («Službene novine F BiH», broj 70/06).

Obzirom da organ nije mogao postupiti po podnesenom zahtjevu, dopisom broj: UP-1/21-2-40-450-2/24 od 04.09.2024. zatraženo je od podnosioca zahtjeva da podnesak upotpuni u roku od 20 dana sa slijedećom dokumentacijom – Dopuna Elaborata:

- Uvidom u dostavljeni Elaborat, konstatovano je da je istim obrađen samo dio sprudišta - lokaliteta na kome je potrebno izvršiti vađenje materijala, a u sklopu aktivnosti održavanja vodotoka i vodnog dobra kojima se omogućava kontrolirani i neškodljivi protok vode, te se na osnovu istog nisu mogli propisati uslovi za izvođenje radova.

Pregledom dostavljenog Elaborata je utvrđeno da je obrađivač u Elaboratu prikazao samo dio lokaliteta od profila P4 do P8, (nizvodni dio sprudišta) dužine cca 47,82 m označen kao „zona eksploatacije“, te se predloženim rješenjima nebi postiglo obezbjeđenje proticajnog profila duž kompletnog sprudišta u sklopu aktivnosti održavanja vodotoka i vodnog dobra.

Predmetni Elaborat je trebalo doraditi na način da isti sadrži ažurnu geodetsku situaciju kompletnog sprudišta, uzdužni profil po osovini sprudišta i poprečne profile. Elaboratom se trebala obuhvatiti ukupna površina sprudišta koje je planirano za uklanjanje, a sve u skladu sa tačkom 3.1. Rješenja o prethodnoj vodnoj saglasnosti (UP-1/21-1-40-345-3/24 od 24.07.2024. godine). Niveletu do koje se uklanja materijal, trebalo je odrediti na način da se ista uklopi u prirodno korito uzvodno i nizvodno od sprudišta.

Elaboratom je trebalo prikazati stvarne količine materijala koje je potrebno ukloniti sa kompletnog sprudišta, definisane na osnovu gabarita sprudišta i nivelete do koje se materijal uklanja tj. na osnovu geometrije sprudišta dati obračun bilansa masa materijala koji treba ukloniti, bez obzira na vizualno procijenjenu količinu definisanu Zapisnikom komisije sa obilaska lokacije od 24.06.2024. godine.

Kako podnosilac zahtjeva nije dopunio svoj podnesak do datoga roka, niti obavjestio Agenciju o razlozima nepostupanja po navedenom dopisu do dana donošenja ovog Zaključka, to je u skladu sa odredbama člana 121. stav (3) Zakona o vodama i člana 218. stav (2) Zakona o upravnom postupku, riješeno kao u dispozitivu ovog zaključka.

Pouka o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Zaključka.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.ing.građ.

Po ovlaštenju
Rukovodilac Sektora za izdavanje vodnih akata



Nihad Pezo, dipl.inž.građ.

Dostaviti:

- GPD „DRINA“ d.d., ul. Sinica broj 14, 73000 Goražde
- ⊖ AVP Sava, ISV – Vodna knjiga
- Sektor 40, arhiva
- Sektor 30 (Munir Trako)
- Oglasna ploča AVP Sava